

知
足
齋
詩
集

知足齋詩集卷第十三

丁巳

大興 朱珪 石君

初三日雪中謁余忠宣公祠登上達樓東同官

江天漠漠清無風岸樹羃歷烟濛濛層階拾級大觀界
禮謁勝蹟先孤忠公以偏師抗三面盡室同心齎春戰
騎箕不肖返星辰江上靈旗麾雨霰登樓咫尺接上清
雪花萬片搖空明梅枝吐萼竹壓翠千里牟麥知登成
城郭江山好風景清賞如斯其管領與人同樂先民憂
高歌歸路山公醒

生日萊根香祀 先有作三首

知不足齋叢書卷之三
我生齒已老及此劬勞辰避喧謝佳客觀我未盡身弱
釋萱早謝方壯風撼椿雖邀

綸綽屢不逮滄隨醇罔極曷以報蓼我不忍陳或云爲
善大可以歸厥親又云累世上梯天在修真及我猶未
朽努力勗此因

天倫重則友三兄皆我違伯兮雖壽考草宿我未歸仲
別廿五載十七叔久離我今六十七獨彈壺篴乖時時
夢少小婉婉猶肩隨百年終有化會晤常有期根因苟
不昧拍手還相追我獨羨子姪盍早憐同枝

木石尚有友結此三生緣嗟我久塊獨不識齊眉歡平

生無二色解脫爾又先我如維摩室散花空翻翻或云
欲界天亦有眷屬連同心來舊雨無垢開新蓮相對若
賓友雙修共超然更攜紫霞侶驂鳳游無邊

讀黃進士洙朱孝子割肝活母說

黃生示我奇孝論讀之未半聲欲吞異事豈獨泣神鬼
如皐孝子朱龍雲母吳早孀苦善病爲母刲臂康不迤
越歲三春病又亟康熙庚午年事剖腹出肝血滿身死而忽甦
裏瘡起煎肝跪進驚天人母疾竟瘳獲終考子瘡漸合
亾苦辛行年七十走矍鑠盛夏裸坦雙癍痕行奇無人
上聞奏邑志失載將淪湮我思忠孝出至性納肝衛演

古所聞爲兄割肱有鄭子

閩人孝廉名振圖予已亥科所取士

奇愛絕世

所見眞作詩並書垂不朽願告四海敦天倫

如臯梅嶺喪母一慟而卒或疑其不可爲孝子曰
此不勝喪也非殺身以殉蓋至性加于人一等矣
君子哀之

死孝原非孝根擢末亦擢可憐新鬼大不得返魂來豈
敢殘身殉難勝嘆血哀鴻毛同一盡鳳殽獨傷哉

姪孫澍檢得

仲君

竹君兩兄暨予手蹟十五

件蓋庚辰至庚寅辛卯年間之筆也暨今遠者幾
四十年近亦將三十年 兩兄先後歸道山而予

亦老矣撫今思昔不勝脊令明發之感而又嘉樹
也有聰聽念祖之思爲裝之成卷寄還之詩曰君
子有穀貽孫子後之視者其勿曰昔之人無聞知
則是帙亦可藏弄勿誼也夫

淡墨踈行疊錦箋怡怡猶憶卅年前而今雲路無酬唱
獨影澄江叫碧天

蕪湖順孫邱允中遺照卷

邱名遵聖

孝居德行中罔極呼有昊邱君少而孤幹父意承考使
祖忘其憂有孫宛在抱吮瘍不解衣孺慕至終老遺言
必跪讀淚眦濡不燥庸行無險膚至性人傾倒論定無

間言旌淑閭以表順孫復有孫闡揚逾世寶開卷我撫
然手跡先兄草綴詞後廿年明發感風薰

卽事次黃榛子韻

梅花索笑亦關情妍暖光風趁好晴香擷菜根餘肉味
機心抱甕得園名雲茶豔發非無色睨睨飛來恰有聲
正是垂簾觀我候何心傳送若爲迎

示庚姪

思善方知過學乃知不足朝夕勤自觀斂氣入虛谷心
平肝自和榮榮潤春木儉者神則腴謙惟鬼所福此是
上達梯無兩商癡叔

蒲圻張兆書妻錢氏豹嶺錢高富之女也兆書喪
父母有兄兆奎卒遺子至鳳其母攜而他適兆書
又卒生兩子皆殤錢子然少寡無以爲守乃哭而
誓曰兄公有子張氏不斬也取歸而子之錢族有
生女將溺者又取而育之爲至鳳婦張君開東紀
其事珪曰不絕其舅姑孝也撫兄公之子友也因
而撫族之溺女慈也其于妻道貞矣題之曰孝友
慈貞

舅姑旣歿兄公死姒去而他挈其子夫兮不祿二雛毀
子哉惇嫠何所倚曰伯有孤取而歸族有溺女我字腓

獨支壤室參相依若教不餒神鬼唏克孝以友貞且慈
蒲圻錢氏張書妃

卽景

春風一以和庭草皆含花芊綿有鮮色眄睠足悅嘉喻
慈山野岷果腹勤耨耨麤貌亦澤何用從麥華氤氲
大化內受氣咸根芽誰歟保此眞生知兩無涯

梅林香欲闌辛夷花已曼緋桃方灼然海棠又苞綻小
園春事多助我一笑粲濬我溝中淤流水亦泮渙觀水
喻斯心時時勤濯澣

哲人規我失功怠心自馳持此春復秋鼎鼎將何爲我

退默而省面熱汗透肌官事或填委憂民竟焉裨豈無
夕陽憐牛車當貽誰如何失我寶亦逐羣兒嬉及時須
努力除夜悔可追

人皆愛春華爛漫忘秋實四時更相催來往過雁鳬木
神本不二枯楊稊又茁如何人厝薪鑽火更揮鉏不見
深山松根固拔石出元氣蟠虛空清寧同得一

喜雨

光風久暄熙芸生思潤黷化工知人意一雨如膏沐黃
花香正酣穠卉妍更簇麥隴肥抽青秧塘平漲綠小溝
亦活活清流蕩泥濁農時愜勞心澄觀悅游目大哉天

澤施勇與萬物育綢繆念有餘蓑笠詎不足

三月三日雨次朱文公韻

山雨入犁深江風散花疾夜聆正淙淙曉起看瑟瑟稍
覺鳥語踈彌望雲容密時當三月朔未轉姑洗律菜薹
春滋腴報侑祝椒苾悠然興采蘭何用占離畢丹墨紛
委案鞅掌空永日蔽蔬有餘甘旣飽忘漣腴殷緋豔園
桃玉紫間木筆幕烏憂暫遣濠魚樂可述省月難周防
未雨易中怵何當萬有空湛湛常守一

遣興

塵事暫以遣悠然返道心羣動何搢搢獨歌聊惜惜詰

朝將于役車馬行駸駸亦有素心侶偕聽山水音
蜃虹幻倏忽周防非所任憑軒問疾苦長謳懷邑黔

龍山

龍山何連蜷我行出其肘雨過山嵐淨鳴泉下深湫清
風盪雲陰夕陽射高柳秧水綠盈波麥隴青于韭黃花
好色香濃豔驚兒酒田家勤作苦樂事亦時有歲熟宜
霖陽時康息刁斗所期引養恬王道如龍首

桐城道中

坡陀白沙嶺陟陞大小關皖城亦地塹面勢環江山其
西錯楚豫桴鼓猶未閒鄰戒紛可念豕駭懲庶頑我行

在拊循宣

澤先痼瘼衆志可成城豈惟亟薤芟天如憐蒼赤洗滌
非所慳懸河挽用壯溥潤蘭與菅周爰一長喟黽勉思
其艱

黃左田農部同行至六安賚賜書院主講作此畱
贈二首

論交臭味十年餘心跡文章實起予三絕久知名獨擅
六根漸返結同舒才堪華國偏恬進世正需賢詎遂初
絳帳鱣堂聊復爾遠謨休負腹中書

六蓼遺風已邈然賡歌稽古啟中天漢京南嶽猶封望

沂水西流遠會川四始正音應善誘三蒼小學亦兼傳
連宵剪燭清談共回首岡頭春樹煙

信宿亳州示李牧廷儀

行役身苦勞客居心未逸我來潁亳閒鄰戒宜克詰周
爰布

天膏均施慰箕畢

重華有疇咨萬井幸清謐譙疆錯宋潁司牧保障艱
難知民依卽可靜玃猶宿畱恥素餐行行問斬鉦

宿州地名

望鄰捷

沟洫原無藉蒼蒼尚可呼膏腴傷易竭草竊蔓難圖脣

齒防寒薄魚鳥戒火逋

天威臨赫濯一鼓蕩狼獾

桃拚雖有毒莽伏那無薊
犄角猶奔鹿攀援恐教猱只
宜民氣固不獨戰功高露布頻承

寵彤弓早受纁

卽次

卽次懷靡及載馳心始安勞勞吾何爲總總思艱難民
生詎多求所志在一簞驚鳥依故巢游魚困急湍大哉
乾坤內覆育豈不寬飛蟲或投火羣蟻尚慕羶何當鴟
食菰庶見鴻漸磐

奉

恩旨補兵部尚書恭紀

綸除嘉命自天來環召依然踐斗台八載隨槎慙作牧
六卿分職重頒駮

廟謨驅逆萑苻靖

社獻饒和杕杜回咫尺拜颺

雲日近神飛鵠鵲繞宮槐

題凌仲子教授校禮圖用昌黎薦士詩韻

儀禮十七篇姬孔所教誥聖人柔萬物節性義精到損
益兼夏殷名物辨詔號執肆非空文綿蕞在師導雜服

禮斯安相瞽纓可操蘭陵學久廢高密傳亦耗慶愆雖
分門彥植誰窺奧昌黎掇奇辭鸞鍛欣馱噪豆籩失司
存珠玉毀儒盜凌君起江南便腹擇履蹈鈞元有湛深
解紛無慢暴璇璣攤九重華離擘四塹自求照水犀不
取籥雲鷺勾股捷心能均律悟雅好鑿空說恥騫障瀾
勇逾界源流匯朝宗疏濬先溝瀆治禮著釋名尊解析
酬報衍雅七又五益瓶逮餽竈左圖而右書經緯了不
眊窮年校毫芒內心平矜躁示我如望羊學落智已耄
神往緇帷林服器誰敢冒君才北海若大量挹不傲忝
我一日知拔尤初進造遠利就冷官童冠資育燾自甘

蘭華養有發藟鹽悼修耕卽苗畚椎髻樂綦縞君方束
圭璋特達待

上告鸛鴈翩來庭卮酒花映帽履泰際

光輪駁薦敢恡嫪殊科需董孫閒笙歌湘茝君才富江

慎戴東
修戴原

沃壤挾滕邵實學兼華文羣玉詘珽琚同時數

金榜撰

程孝廉
瑤田

三舍避鼓燾丹書東面榮簪紱北斗禱

何況禮爲羅不見鳳輝菴桃潭暫迴翔蓬海易轉漕虎
觀定異同鹿角走驚懊璧雍石經森公卿牢禮犒展圖
重什襲長言當勸勞

書庚姪扇卽送其行二首

咸以虛受人離明在中虛省我百廿日問汝能虛歟洗
心外漸淡去濁清來徐我愧仁非富贈言意何如
汝喜傾肝膽亦慕根解脫解脫非空言努力斷膠葛農
夫務去草勿使蔓芽蘖寡欲以養心固窮斯上達

熊謙山方伯江春曉鏡圖

大江浩浩秋復春白日睨睨夜嚮晨青空圓鏡天在水
誰其觀者虛舟人中流淡沱四望淨雲光岸薺怡形神
此心如水曉更澈物來自鏡春無垠斯圖得意已忘象
無言兀坐如飲醇出游從容魚亦樂與波下上鷗能親
涉川作楫亦何有鏡臺春盎清漣淪朝匳相對生意滿

鑑水且用觀吾民

五月十一日勸農

微雨洒東郊及茲芒種節勸勞咨三農濁酒歡耆耄蒲
蕙嬌村童餅餌懷舖販今年陽澍調收麥秧針茁好風
時復來吹潤徧畛畷江臯旣孳腴坡阜無滅裂長爲擊
壤氓淳龐紹義烈各勉月日省從好矩可絜

王潤生澤作觀齋冊自號觀生爲闡風地之義

堅濁莫地若惟風乃入之上陽喻兩目下照黃中脾以
此得觀象空假中兼治隨風有獨覺景土無先迷觀生
卽潤生甘露天地滋無以烟擾鏡觀我斯觀其以之觀

國光詎比童妾闕庶用常厥觀攬圖銘以詩

聞經兒將來皖省視

八年不見那忘情聞汝南來數客程以蔭入官須學古
順親有道在思誠黃庭寶齋生生本玉樹交柯脈脈榮
我老夕陽何繫戀出山莫忘水源清

六月二十一日食新稻

小暑方九日農夫獻早秔璨璨明玉粒纍纍搖珠熒作
粥嘗其旨珍重胼胝成此物民爲天省歲宵旰縈每祝
暘雨若庶幾升斗平茲月暑未甚宵涼雨澤輕高原及
塘堰默望旬膏盈晚收心所亟思艱吾何營

卽目

蓮萼生葉下萼出葉讓欹華葉猶相讓兄弟胡不怡結
根土同潤膏露天同施物理有如此人性詎獨漓知孝
必知友不昧唯良知何不觀蓮花此是蓮臺基

讀道德經十三首

無底之謂橐有孔之謂籥中虛有不詘性命于此泊胞
游有重闔胚渾無六鑿常視方諸盈自飲瓊乳酪環中
卽天外魚鳥同至樂

谷神在何所誰探天地根壹壹化淳妙知之不能言知
雄守其雌汨汨來諒諒踐烏啄蚪卵顧兔春金盆爲腹

不爲目開闔司天門我獨食氣母反哺酬慈恩

卅幅共一轂當無能載重埏埴爲方圓當無有器用有
無不相離虛牖不可壅至精入金石不叩何啁啁

恍惚中有物杳冥中有真至陽何蟄蟄至陰何津津此
是天地始萬化陳復新老子方沐髮憇然遺其身至美
游至樂得是先天純宣聖歎發覆顏氏聞之親誰與擬
其將不言同飲醇

高以下爲基貴以賤爲本江海下百谷朽索馭馬撻聖
人勞天下益下上用損不敢爲之先慈儉但垂衮民曰
何有哉吾將治襦裳

混成如有物實生天地先何以強名之曰道曰自然
今會其一盅乎納萬千觀我性命始誰分誰合駢忽逢
象罔氏弄珠出深淵

自見者不明自是者不彰自伐者無功自矜者不長天
德不爲首用柔而體剛舜禹巍不與孔顏過弗忘勞謙
輒德栖休否思苞桑超然在燕處善反身固藏

知足故不辱知止故不殆名實亦何常寒暑若相待榮
趨請衛生柏矩泣齊罪成綺呼馬牛庚桑壤畏壘天道
若張弓地形流環海功成身自退可以司匠宰

漢文治天下心契黃老精謙讓如不遑儉慈省刑兵翼

言柔南粵改制憐緹縈按轡勞細柳前席咨賈生除租
關傳罷積粟紅朽盈樂哉三古下仁壽義農眠

前知道之華有餘盜之夸代斲傷其手哀勝兵匪佳聖
人執左契儉德隆不汙天地降甘露大海水所家

元牝在太空是爲天地母及其喻人身關元近可取幽
闕命門間黃庭氣海紐綿綿息若存脈脈求其牡混混
江河源浩浩谷神守鵬浴垂如雲龍用不見首九天注
甘霖萬秋熟禾畝

生死之徒九其一妙無著云何善攝生無生不可度西
方有化人強名爲極樂神遊了可知無善亦無惡

疊疊五千言不言性所在同出而異名妙微誰爲宰冲
氣以爲和芸生何每每知常復其明抱一營魄載

十六日喜雨

天高聽甚卑可知不可恃不厭再三瀆爲民求降祉青
穹懸赫曦農病苗稿矣非無霰霖灑沱漚徧成汙寸誠
積已微慈鑒不遠咫尺潏然雲四涌貫珠翻盆似庶幾解
枯渴未敢保耘耔安得申龍雷滂沱潤千里

十七夜喜雨

九蚪拔山驅雲來三千玉女笑朶開雷公砮訇搥大鼓
天瓢萬滴傾鬢髻懸皖江六月苦夏暘原田千里將汙萊

不才竊位忝求牧端憂無術消民灾方社龍泉請已夙
琳宮梵宇籲亦哀飛廉怒吼密雲散蟠虹高掣屏翳摧
旬來東雨不破塊秋至後種愁無蔕爲民請命豈得已
跼誦心印通九閭高高敢望有卑聽湯湯飛注真珠瑰
嗚呼

天心大可見不亟作善胡爲哉

喜雨次張解元愚溪韻

自我來皖江周爰咨嘆勞每思星月從豈敢巫尪暴今
年夏至交苦邁亢陽燎龍骨踏已乾牛喘問誰療散齋
聞五旬勤雩煩久禱忽聆萬珠噴真獲千金報感子銀

河游夢喜青驄召大嚼將解饗深盃聊共勞

又一首次經兒韻

今夕復何夕秋風爽以清今雨非舊雨萬寶傾水晶自
汝馬絡解但愁魚尾鱗池塘漸淤涸禾稻餘枯莖知我
顧天意老我憂民生仰觀星月光不聞雷雨聲白露將
解蘗赤土難重耕何期天乳迸挹注仙掌擎我喜汝應
喻旦旦登樓情天心欣可見龍山雲尚橫

今秋桂花盛開歌以狀之

萬天香國彌霄開氤氲馥郁聞九垓皖江地氣宜卉植
中庭葩葢張毵毵藥珠纓絡香御下妙馨玉女雲鬟墮

靈丹億貝透鼻觀恆沙七寶供心臺琳池連理豔元鳳
石梁甘露盈玉杯司命霞旗扈紫御王母蛾火揚膏煤
是時姮娥撒匳舞九光珠雀翽罽招搖臯塗在何所
金鷲金粟如如來賁隅三秋曾駐節未見高樹蕃條枚
此邦華實倍清烈今秋芳色尤兼該小山淹畱正爲爾
何當鼓櫂歸瀛萊

喜汪靜厓太史將至卽柬戴可亭學使

秋清桂樹發香風滿宵晨恰聞千里遠益轡來伊人冠
蓋豈不多素心罕見眞汪君何孳孳爲善方日新未知
深造蘊六行敦里仁摛葩富天豔善斂味道醇停雲三

年隔良覲意所親況乘山陰興扁舟溯江津取善日加
益不孤德有鄰開我三徑荒及此星聚辰

次韻熊謙山方伯睢股行

江北龍雨沛河陰蟻漏開睢股百尺飛濤來宿泗潏蕩
迷兩涯大魚誰射潮頭回曹岸北圻艱填培此邦滅祲
彼告哀蛟鼉徙窟隨風雷敢以鄰壑分天災爰諏疾苦
作楫才勞民郇伯方移粟綱綸弛張吏繩束浩歌似續
春陵行豐年玉更荒年穀求民莫在求吾心省月從星
光鑒臨仰首

穹慈惠下土排雲闐闐狂凌兢

先月言集卷十三
以海南香大士象桃核十八羅漢手珠沉香餅爲
汪靜厓五十初度祝用東坡子由生日詩韻

海南輪囷伽結芽婆盧吉帝爍鉢薰阿羅金仙十八羣
薄伽梵化度索雲更捶篤耨一餅焚幻出無量菩提紋
大千須彌芥子分昆侖元精中鬱氤將以壽我井福君
不遐千里歌汝墳竭來訪道非論文下視衆鳥如巢蚊
登山拾級先亭云虛空善積不自勸一掃五蘊修羅軍
伯玉省過能已勤醞醕玉池清可醺三田有穀良耜耘
遂呼青龍種榆枌非烟五色起郁紛洗心自覺眞氣焄
阿斯陀天自在聞

蒙

恩調任吏部尚書恭紀

頻拜

恩綸半載間
忝司邦典領
卿班鳴饒未
覺籌邊易贊
玉猶思問歲
艱舊履槐廳
慙席正久隨
槎使望星還
黃花晚節彌
珍重獨省臣
心鬢已斑

贈涇縣包生世臣

包生麟之角
乙貢天篤祥
清抱冰雪骨
燄發雲火章
覽子禱雨篇
濡墨舞商羊
遂令萍蠭號
不用誅巫庭
觀察壘以來
奇才誇洛陽
試以山海歌
跋浪擺雷硤
胸羅表

餌策武庫森星芒聚米辨形勢周陞把維綱終軍對奇
木鄴侯賦圓方貫弗腹經笥縝栗括智囊百鍊大冶金
且勿躍干將豫章拔地深夏屋資棟梁遲爾培風厚不
獨火色揚養成九苞翮一鳴狔天閭

雪詩八首次汪靜厓編修韻

望雪

冬晴畢未潤陽復期初哉一旬散且致七日天心來密
雲騁遐矚霏屑兆潁淮冽泉井易智秣麴種尚芟黃竹
發浩歌峯山緬帝臺登樓眺龍峯風霧揚鬚鰓安得鼓
馮夷揮我抵鵲橋揚靈嘖鳳毛咳唾隨珠瑰天膏醉黃

耆地肥飫赤孩

憶雪

我昨再來皖嶺宿苦寒凍雷雨失冬令詰朝變飛松六
出花盈嶺萬枝梅亞重三日報新晴中雷響鳴鑾與歌
襖轉祥高下隴徧種貪天豈言功捷環誰敢弄雩夏更
祈冬內訟自嘲諷害羊不易去朽索亦難鞿駸駸四序
流皇皇五夜夢

釀雪

雲容已積重日脚復滿照
臨臨氣正暄
鬢發勢轉峭
野馬動樞機
醯雞久噓歔
誰驅億壺蠶
繹此萬花窠
峨眉

忽飛來出門西向笑醅醖發蝟蛸壹壹觀微妙蒼茫問
元宰神意那可料凌空撒虎鹽飲衢樂牛醕

催雪

項冥斂神功清靜森戟衙龍公怯試手鼉鼓誰爲搗緡
帑布六幕弭節紛魚鵝願言麾螯弧組練起周遮鳴犢
警三發捷手叫八叉招招藐姑射神凝艷不譁排空萬
纓絡應念何咄誇仰首兜羅綿普散先春華

喜雪

曉妝豔羣娥盟沐紛未能翩翩舞玉虬旖旎歎沙下彌
空既將朝輞月又射夜凌兢薄增寒颯水厚霜凝愜心

逾挾纈發興擬臨榭有兆年可祈无妄福何詫黍谷定
回鄒庭樹已繁謝念茲僵臥人歎歎夥旃厦何況衡枚
士犀甲不可卸憂樂豈同觀駿蹇難兼跨壁璐曜連城
買此或無價

聽雪

六根靜可通希聲不異色霰集璣璫琤琤耳謀調刁惑黃
芽灰飛驚白觀鼻端息坐忘杜德機虛受若可卽乘陵
更排拶醒夢亦有力索索蟻磨紛脈脈龍梭織是聞卻
非聲清圓印古德塔然據槁梧不假傳送識

眺雪

我行皖桐野鶴鵠摩空翔煙鬢正倭墮簪珥黃金量
滴水龜手鮫泣珠盈眶載塗敢言瘁額手此降康緡錢
散億戶跋涉輕裘裳

重華明四目視遠猶如傷瞽鴻集中澤爲爾謀裹糧青
青陵陂麥頤朶起仆僵盱衡望楚蜀解作殲甲鉞西平
及良夜神火收螟蝗洗眼見豐玉何用歌慨慷

霽雪

簷融間宵更曉吐豁朝霧松鬣潤千林雲衣繪三素燭
龍照瑤山流麗景方駐醞醕入埴壤誰辨鴻印處暄回
挂囊笠好語樂親故延緣宜沙明跋履尚泥恣婉婉愛

冬暉嘒嘒腓春孺寒梅欲綻林藏醞那用酤息我軟掌
勞煖此臘日暮

口占

大橫山下苦頭陀斷手脩平犂确坡千萬行人受功德
報伊金臂母陀羅

靜厓編修作七古送行僕僕未之和也歸及廬州
輿中次其韻

圓輪一烝周九天乾吞坤吐元黃前老莊至樂食氣母
遠游真諦靈均篇汪君本是玉堂傑釣鼈在手遺其筌
鴻寶窺枕祕子政經笥摩腹嘖老邊青雲角握首忽掉

黃庭尺寸天與緣世人不解赤松興猶較蔡澤堅肥年
扁舟來就漢陰叟桔槔棄去澆新田散金濟衆功德大
早題名姓蓬山顛刈甘頻繙井底水燥溼要劑壺中偏
龐子全家久學道欲天已斷魔宮妍九年清齋淨腸胃
刀圭自飲青黏餠長歌送我白雪曲鸞鶴聲叶飛霞輶
嗟我未了牛車禪化城三宿音遽然金剛自度丹自還
底事山海求臞仙

東坡先生生日供酒用松風亭韻

江山南北花滿村天門映蕩招詩魂東風一夕玉霄雨
騎麟喚鳳娛昕昏排雲忽出兜率界轉華不住祇陀園

奉公千日花甕酒斗覺高處瓊樓溫平生昌言壓海市
到今浩氣吞霞瞰降辰那復較蠍命文脈自足推龍門
後死千秋猶愛景先生一笑應忘言阿誰瓣香婆律藝
且傾綠漲蒲萄尊

汪靜厓疊松風亭韻咏春雪和之

春陽花柳迷烟村山癰未暝林逋魂青芒隱見七寶策
玉妃照曜三商昏登樓龍噴霧遮岫抱甕梅豔香霏園
靜厓居士新得道拋春不買黃芽溫吟肩那遽凍起粟
運海已覺光搖瞰當前綽約見姑射何方汗漫求羨門
朝朝暮暮春若此風風雨雨天何言雪深三尺寫笠屐

戶淺貳缶酬壺尊

新晴登樓次靜厓韻

雪來七日喜新晴更上高樓極目明
翠阜搖晶宜鶴度
梅英破凍逗鶯聲
歲豐人擬占
旛牧兵洗天
應靖并彭
北望雲深鳩鵲處
光華咫尺接瑤京

知不足齋詩集卷第十三終

知足齋詩集卷第十四

戊午巳未

大興 朱珪 石君

初三日偕靜厓游大觀亭作

春雨四郊渥春陽萬物熙出郭州戶靜祇謁幽公祠登樓俯長江萬里導岷支浩浩歸大海逝者長如斯憶我初來此九度星躔移皖山不改色江樹花滿枝大觀善無量上達階有基願言同心子好修勉自知

次靜厓韻再詠齋中盆梅

朝盦映豔簪髻髻風簾遙射雪漲坳衆香界納丈室滿兜羅縣撒曼陀苞居士無言聞觀靜香御暖坐環姪姁

春光默度玉樓煦諸天握笑心精交屠蘇一酌渥雙頰
迦陵並命來謹咬晴陽四照凍已解園林更報千蜂捎
戴可亭學使用東坡韻寄祝次荅之

梅花淡坐鼻觀芬開緘忽度同心薰使星大雅卓不羣
德勝競爽超淵雲寶珠在握犀不焚芝鼎自冶龍雷紋
瓶鉢一勺西江分小年敢覲中黃君白雪霏渥赤堊墳
遺我景定古祕文毫端莊嚴辨睫蚊玉局玉板如如云
拱壁馴馬銘德勛協氣遠振蠶叢軍約君六時自度勤
如飲醇耐心知醺三田鐵牛頻叱耘莫待駒景馳榆枌
萬神方胙祛攘紛天香襲襲一合烹報君木樨無隱聞

雜詩示靜厓

翩翩避軒鶴不羨雛鼎雉那忘先憂懷不改獨樂意觀
身如浮雲青空本無際何所得予心春雨溥大地

聖駕釋奠臨雍講學禮成頌一首

謹序

皇帝奉

太上皇帝敕諭於嘉慶三年春二月仲丁

幸太學釋奠於

至聖先師遂

臨辟雍開講筵宣

御論大學之道在明明德在新民在止於至善易臨之

大象傳君子以教思无窮容保民无疆各一篇所以崇學章教甚

盛典也

臣蒙

恩奉職在外久違講席不獲與於園橋觀聽之列翹仰抃慕不能自己竊惟大學本修身而明明德於天下天子之學也知臨大君之宜天子之教也愛敬盡於事親而德教加於百姓刑於四海天子之孝也

皇帝學古時敏朝夕孜孜親承

太上皇帝之

心傳

身教學莫大焉教莫備焉孝莫純焉至誠大順條貫萬幾以篤

天保而申

壽釐是德福之總也臣伏釋大學一書該本末貫始終朱子釋之曰明德爲本親民爲末知止爲始能得爲終以經解經則曰修身爲本大畏民志此謂知本又曰德者本也財者末也未有上好仁而下不好義者也未有
好義其事不終者也爲君爲臣爲父爲子各止於至善是謂得止也又言得衆則得國善則得天命忠信以得大道此四得者與中庸所言四得必有於大德其義相

通而其要在知所先後然則修身之本莫先於孝矣知止之始莫切於孝矣

太上皇帝有大德而備四德

皇帝尊聞行知深思大學四得之本則學日緝熙於光明矣其在詩曰雝雝在宮肅肅在廟不顯亦臨無射亦保鄭康成箋曰宮謂辟雍宮也詩之言臨保者與易之言臨保亦相發明也謹按易澤上有地臨臨自復來而其進爲泰是陽長之卦也以上臨下未言政而先言教思未言治而先言容保教思則該乎政矣容保則該乎治矣諸經之言臨者曰居敬而行簡以臨其民是坤以

簡能之義也曰聰明睿知足以有臨也是知臨行中之義也曰予臨兆民柰何不敬是臨之以莊之義也書曰皇極之敷言是訓是行是教思之說也曰有容德乃大曰若保赤子是容保之說也教民而保之則庶民保極矣能保惠於庶民則天保定爾矣惟我

太上皇帝敬

天愛民萬年一日風雨露雷無非教也真所謂无窮也
蠲復賑貸巨億億萬真所謂无疆也

功德邁乎堯舜而

毫期不倦于勤真所謂敦臨也

皇帝敬承後志眞所謂肅雝而臨保也

勳華相師觀於一家姬孔心傳密於親炙超萬古而未
有慶億年而無極合至德敏德孝德以教國子者至矣
善矣曷以加茲謹獻頌曰

大清受

命體

天化行洪惟

世祖衍義孝經

聖祖繼

志百卷集成四經三禮

作聖

述明

文武聖睿

太上皇帝百四十篇經義大備

耄期乾乾政訓事示

皇帝欽承聰聽哲視嘉慶戊午仲春仲丁大昕釋奠璧
雍講經

穆穆明明壽耆老更濟濟多士環橋觀聽講義維何大
學綱領德本惟身厥修三省居高臨深六馭不騁隔民
保民惠廸思永石鼓在門石經在廡善學維何

允文

允武其雨其暘賑蠲蠲普善教維何民恃民怙

太上身教

皇帝惟孝信

天得

天淳明克肖教民得民惇敘學校地容天保卑法崇效
一得四得如取如攜

天臨匪遠臨民念茲芻蕘之誠

聖哲不遺

聖學

聖教孝惟孜孜

清明前一日雨後海棠正開和靜厓編修用坡公韻

江城膏雨滋春木色好爭憐豔誰獨玉蘭紅杏漸闌珊
幾樹海棠更超俗含丹映翠沐浴初千朶明霞出岫谷
山雞如舞鏡開匳春鳥咬嚙瞰照屋仙乎纓佩蕩心魂
天然脂粉勻肌肉萬顙娛光暈有餘百匝成蹊實未足
瓊珥頻搖倭墮妝錦障難遮窈窕淑願爲么鳳結深巢
日啄靈丹眞飽腹猶憶香林雪擁梅何當綠葆風翻竹
暫涉園林每醉心相逢邢尹皆成目及時爛漫且開樽

煥老氤氲空抱蜀遲看桃萼綻鴛鴦誰印沙痕刻鸞鵲
汪君手擊珊瑚枝與子同歌紫玉曲花如有意弄新晴
雷已無聲淨石觸

桃花和靜厓再疊前韻

園中雲茶蔓羣木衆姪女供居士獨桃花差晚開更禮
異種同姿妍不俗水香真得武陵源麻飯欲飽虹梁谷
丹山晴射赤鳳苞燭龍夜照珊瑚屋絳雲萬朶捧紫皇
騎擁紫麟豐角肉美人半醉酡頰鮮緋衣小兒露雙足
更見丹砂拌玉膏守宮點臂憐嬌淑一株正色獨離奇
別有高情坦其腹海棠林檎密復疎掩映高低間綠竹

愛花一日百回看
傾國明妝娛老目
欲抽綺語寫花光
相如子雲耳生蜀
有客同心不忍歸
十里徘徊駐鴻鵠
願斟桃汁飲千觴
夢入綏山哦一曲
六根解脫爲花顛
拈花一笑香風觸

春暮廬鳳泗道中祈雨偶作示同官

我行廬鳳郊
風旱日杲杲
齋心籲坊庸
甘澤爲民禱
謂天不可謐
時雨行有潦
雲陰布泗宿
麥穗青不槁
微誠亦已約
奢願豈遽飽
所望壽肥間
塘盈秧插早
安得歸途中
跋涉泥浩浩

皇仁布大地
惠此偏隅飢
計口有加賜
使者頻周咨
所

願吏同心懲彼屯膏施譬如膚寸渥勿使風散之告誡
何諄諄面從恐背欺下思民可畏上凜天鑒茲惠逆捷
影響各勉清夜知

擬郭璞游仙詩九首次其韻

環輪日摩盪重閭從游棲蒼茫食氣母丹元舞斑萊誰
窺九谷底中有三秀萸冥冥下無極蕩蕩天可梯導山
過其祖運海求厥妻繫彼瑤臺駿鞭我金華羝吾將游
北海一覽小大齊

齧缺問王倪盧敖友若士一枰老橘中大隱游壺裏誰
司天地根觀我無名子墉鼠豈無牙蟄龍尚有耳輕暖

長迴環弦月東西起虛牝何淙琤飛玉漱吾齒聾聾三
足烏蔚爲王母使

赤水求象罔渤海潛鯢鮮蹲甲穿七札連鰲釣六山吹
律變寒谷鼓宮動朱弦重源濬玉乳伏流折珠泉驪頰
有暝照火井無歎烟十旬視內景萬靈來比肩下晞和
叔日上齊軒兄年

括囊壹壺交戰野元黃謝葭灰未飛冬寒泉欲湧夏赫
肅閉萌芽熱然觀吾化猶龍老方沐牧馬童倚駕裴航
搗霜丹雲英歡入舍惜惜七始和咄咄萬神叱

乾璣貫九變坤輿乘四游積此培風力駕彼不繫舟飲

河天稷側邂逅支機投鴛鴦戢左翼娥旻娛金秋銀潢
自天注萬派環海流

羿妃竊靈藥无妄匪眚災千年種桃實東海幾汚萊明
星見扶桑五色蓮花臺天乳帝青鉢肉芝紫霞杯丹鳳
哆其喙靈龜朶爾頤貫珠三百斛重樓十二垓玉女戲
我側保抱桃花孩乃知龍鶴化不獨佺喬才

桂華吐蚌珠松堅伏虎魄雄寶中抱黃虛室罔生白鏡
心舞天雞鍾乳香霞柏隨風守甲庚重乾練昕夕市海
超幻濤峯山醉凝液嗒焉灰杜機雪然虹貫石逍遙脫
大綖形神相主客

得一兼三才大千納方丈六龍御閑閑九關矚朗朗聖
通入希夷天覺捷景響長眠無極翁不昧亦非想山月
白照眉海印光發掌泊兮養知恬儵爾超來往猗韋尚
有先鴻蒙已忘象鯨鵬游汗漫何用守筌網

須彌矗天外萬古無崔頽琳宮足游娛闔風抒抱懷地
肥變鼉煨天根汨龍雷誰歟超浩劫不與同轉迴元始
蒼胡頡摩尼無去來撒沙奠海岳戢戢窪與堆青空福
無量赤子何樂哀

題蔣心畬編修游廬山遺卷

與君南北同舉鄉才名十載彭頡頏

君丁卯南榜丁丑成進士與芸楣參

知齊名

開圖忽憶中隱跡匡廬面目空蒼茫讀書頭白真

太白清夢何人迎戒釋開先瀑布蕩心胸三峽神龍門

金石君詩辟易千人豪況有二子傳箕箒陰鶴和鳴娛

老鳳山鬼驚拜聞蒲牢東山再出蒼生何昌黎牛斗終

蠹磨天花漫點居士衲我曾問疾參維摩

庚子問疾于寢自此不復

見載過東林掣傳馬披君游卷涕欲灑逍遙有戀芙蓉

城君嘗有此噩夢

大荒或瞰麒麟下

七月十一日喜雨

雨旬顚甘澍五壇陳艱咨敢云誠可格亦信天真慈密
雲炊屢作殷雷令久麾霏然見滲漉遠近殊華離自從

庚夜來觸石匪哆箕霖成三日內澍達千頃陂驅蝗入
荒澤始識神力爲詰朝肅報賽歡呀動黔黎齋廚久岑
寂餽惠慰朶頤招我伐木友載歌有渰詩

汪銳齋庶常焦憲讀易圖

我初識汪君江守方爲郎

謂臨安守潘源

挾策誇示我英峻來

江鄉文古富經解傳義治漢唐美哉人經師傾倒洗馬

黃

謂小華

延君主家塾蒙養辨鄭王我來撫江皖諍我調

柔剛舉錯嚴夬姤積豕無牽羊昌言君比韓內訟我愧
陽及君游蓬壺我再到皖疆握手笑相視詛祝莠與棠
濡尾豈易濟噬鼻亦恐傷大道貴易簡柴立乎中央腹

筍飽經綸用作霖與航披君讀易圖蕉窗閱暑涼淹留
聊信宿山桂行吐芳亟陳金華殿黃離正重光

戲柬左田農部卽訂晚餐

肉食無多胃不堪讀書鹵莽怕研覃洞空經筍圍腰減
羞澀花枝短髮簪戶小斗藏香撲寶雨餘園茁摘盈籃
宵來晶飯參韶味何必山公馬上酣

次韻顧河干師重赴鹿鳴宴詩二首

南極星明照省闈敦牂六轉日重輝廿年珠水輕裝盡
八秩霓裳舊侶稀載間歌笙應換杖最初經筍孰傳衣
鳳凰城內香盈陌簪得秋英滿鬢歸

襄雲織錦首重迴詩宿香山入座來黑鬢公台尊齒德
謂阮芸臺間紫陽弟子喜追陪先生掌教東吳應有延
學執禮甚恭陵祝四海還推魯殿材領袖賢能歌保定遙斟玉斗
萬年杯

感懷三首

大江流滔滔百年去鼎鼎豪士擊楫歌漁父擎舟迴吾
衰復何爲濛汜光餘炯何當秉燭游祗足據梧瞑斷斷
人我間名實不相並心空納萬象大道本挺挺誰爲幻
者機神鬼聽亦瑩無欲斯妙觀元珠得溟津願言同心
者及此豁旬絜

爲善不謀利所以澄心源愴乎無欣羨不觸羝羊藩人
誰不慕舜胡爲入蹠門未嘗夢爲盜此是上哲根世士
日擾擾幻想迷營魂鬼神來戲之象齒忌其燔覆蕉須
早覺旋寧還自掀不見古潔者阿堵口不言

有嗜斯可參有欲斯可羈擾龍薦其肉檻虎陳其皮靈
鳳游九霄不妄食與棲飛仙所調御甘露餐如飴金銀
湧樓闕焉用蜃氣爲泥憑積山澤不著玉井枝景公夸
千駟孤竹行采薇逍遙鵬與鷦高下安能齊

哭錫彤姪二首

汝病何催促相離十五年愁遺癡叔在祇痛竹林賢保

澤餘忠厚爲官異巧儼那堪八秩母秋夜哭方顛

兄墓三年草魂歸一雁聲好遊諸弟遠示疾獨神驚

子

月十三四日忽病心神不寧豈料姪卽以是日逝耶有子能終歆憐吾未了生去來同大夢偏爾脫身輕

題許秋巖太守問耕卷

古有田丞相今之召信臣誰于刀筆外肯向笠蓑親晴雨三旬問岡窪再熟勻旌陽風未遠卽此是仙津

初九日監臨院午坐二首

好雨喜新晴桂枝猶送馥登高怯扶筇默坐待啟櫝穰穰萬鵠袍眈眈如虎逐於我如浮雲爲人亦轉轂結習

一映吹天花散蔕蔕何當收視聽空心及第速
槐黃舉子忙桂丹嘉賓樂我老壁上觀未解文字縛爛
爛日五色憧憧心六鑿得失楚人弓芝苓越人藥我亦
避耆英且當較繁槩空假觀厥中卽事敢不恪

練潭

秋稼已登場練潭水歸壑霏雨不動塵我行指蒙亳大
河決南岸渦淮勢噴薄

宸心早欽念臺吏亟咨度墊居免蕩析罄鴻慰膈膊庶
幾霜降過奔濤怒漸落憶昨溯江歸三日風鼓橐蜺來
載馳驅亦用求民瘼客寢敢云安照路勞秉燭

喜雨

三秋惜雨乾二麥遲隴 昨行龍山陰蒸熱汗濡髮敢
云隨軒靈中夜耳清越雞聲間簷琤馬蕭衝泥發北風
亦稍勁光罨生魄月鴨河潤微流桐山氣出勃白沙莽
浩浩山溪已汨汨襪襪農應歌藪薤冬可齕

李石帆州牧見示亳州水溢紀事諸詩舟中作此
荅之

黃河秋漲睢堤開洪流東奪渦與淮沆漭平地浩河漢
魚鼈踴躍鴻鴈哀

帝咨懷襄睠澤國飛

詔岳牧巡璽埭，竭來周爰行。鳳額夜半跋，涉穿污萊田。
廬蕩析失墟，落散緡萬億。甦嬰鮎同心，援手賢刺史。鳴
律寒谷回，春臺譙城首。受鹿邑，浸殷憂，昏墊成大傀。
重華清問急，飢溺天膏誰敢屯。雲雷屬薪早，祝塞瓠子
歸壑尚望肥。牟來爾歌春陵我，愧甫蒼生吐氣須。良才
壽馮孟亭同年八秩

同科五十年，南北歸二老。君今開八秩，我髮已斑槁。憶
昔少壯時，羣仙滿蓬島。君勇退急流，豸冠挂何早。森森
三珠樹，杳棟盈十抱。孫枝況瑤苗，授經班梨棗。我來棹
鴛湖，烟雨俯崇橈。發難玉溪詩，鐘蠡爭擊考。我勞驅車

尊君逸角里皓校書詎洗瞳挽水久灌腦德星占景丁
雅歌興杻桡何當再升堂相期穀城葆

蒙城喜雪

三冬求雪嗤蒙瀆七日浮陽恐恆燠河車轉水旣濟難
蘊火生瘍體蠡瘼素餐空爾擬散齋密雲仍作乃小畜
豈知

天公憐赤子倏遣靈妃散香沐我行周爰匝泗鳳竭來
蒙城聊信宿玉塵達旦斛可量濁河畱淤麥倍熟南歧
六皖雲尚同尺壓餘蝗地深伏銜枚捷奏淮西碑斷流
早下淇園竹已安鴻澤色無菜及歸蜡賽餽有肉六花

畚窞頌綏豐四照乾坤浩清淑

十五日六安道中雪

聊聊刮耳東北風礪礪極目雲勢同霍邱風興五十里
雪珠橫噴搏玲瓏三柳集過絮益疊火星廟出寒欲烘
路長凹凸僕馬飢夜亂淠水冰冲冲上清莊嚴大世界
望舒穿漏光臃腫牛羊斃麥根倍實蝗蝻蟄塙僵已空
月餘默禱慰蔬筍從者多後憐駟蚤載馳敢辭跋履瘁
刻篆老矣才力窮憶昔祝融俯雲海比方奇景詞難工
亟歸叢梅萬蓓蕾小園暖我香姹穠歐蘇體物禁苦肅
韓劉大嚼腹果充拋春醉群樂民樂淨洗兵甲歌穰豐

寄柬荅黃左田

來書以冬雪歸功心齋

片牘傳來重德音故人慰我卽良箴
六花豈敢貪天力五夜嘗存省月心
中澤磬鴻應漸木鄰臯唳鶴未收金
期君春水東風駛一暖枯禪倚樹吟

正月初六日聞得曾孫戲占

六九得曾孫傳來喜氣暄老童應奮業

涂孫時尚應童子試發妣

想加餐學道何牽率含飴且笑言枏林名錫汝早慧勝

涂元

花開香滿園結實子應蕃鶴步依林靜鶯聲擇木喧春
光生有意膏雨潤無痕卽事觀元化熙臺樂自存

書劉文正公手跡後

五十三年雪立舊恆河沙數漏痕新換驚不獨右軍好
遺笏偏傳魏相珍愛樹有心松柏正片翎無價吉光眞
摩挲手澤應藏弄誰賦梅花步後塵

恭跋

御製詩冊

承

光廿四年望

斗八千里豈知精神通近

天原尺咫憶昔歲丙申初謁 前天祀金玉仰

案几加銜寵魚須

P-4

使節盼霞楓歸裝喜桃李五年接昕宵

再別自庚子每候南遘鴻必拜尺素鯉

味餘意重申寒消支在癸扈

鸞賀升階
獼蘭分噬
肺梅石

題觀生花甲介離社江海貫槎迴庚戌咨牧始六皖騶
復來兩粵鵬暫徙十載盍歸乎

九重日遠矣

光輪乙卯秋離合

穹高企葵心獻五箴薨口緘三紙

軒龍髯方號郵駟環先駛

前席跪敷衽展冊淚濡綺

天火心同蘭地山交濟美

聖情辭未盡

臣

誠音方矢幸當

耆嫫廷敢不稷契比昌言陳幽風納約用樽簋愧叨稽
古榮薰沐非常儼珍弄慶孫曾賡颺叶角徵

臣

惟作歌賡載虞舜之所以責臣鄰也爾交修

予殷宗之所以求黜學也卷阿有鳴鳳之音遵
海有徵韶之樂皆古君臣泰交之盛著於詩書
載在傳說一言一詠已足以振玉聲金光前式

後從未有

綸言成帙賁於一夫

寶墨親濡積于累歲如我

皇上之虛衷好學寵賚下臣者也臣以荒落早事

聖主於承華毓德之日于今二十有四年矣

皇上稽古敏求十行俱下怡情吟咏百韻立成自丙申

至於乙卯中間臣奉

使聞浙皖粵違講席者十有餘年望遠寄懷爲臣而

發者不下數十首不啻昕夕之侍側也

親政之日首

召_臣來京引手失聲

孝思純篤蓋

至性逾於儒生萬萬矣三接次將累年

賜_臣諸作

親選

御書裝成二冊

頒發到_臣臣踧讀百番不覺涕滂而心動也竊思_臣之

蕪陋何足以當非常

眷注惟有此心不敢欺耳非堯舜之道不敢陳非詩書之言不敢述於大學義利之辨通鑑治亂之由

況此兒戲豈正供作歌聊復論其世變幻蜚市隨雲龍
奉

命教習庶吉士五月初八日至翰林院上任授書郎事
小別冰銜十六年柯亭劉井故依然兩番兄弟同車夢
三度蓬瀛到岸緣席滿多英爭問字坐深前輩話登仙
自知殖落慙師說器識才華果孰先

弱齡東閣舊登龍四世絲綸翰墨宗

謂那大司空

黃髮通門

餘亥叟黑頭台輔協寅恭及時化雨隨軒蓋

是日喜雨繞檻

清泉似辟雍七十三人羣雅萃儲材應潤百圍松

趙高邑鐵如意歌

純剛不作繞指柔手揮如意揚清流高邑起家神廟始
一洗媚禱江陵羞四凶四害何挂齒駟馬豈可加鞭繯
梁松牀下魏無子望夷鹿指秦爲劉想當缺刃撞玉斗
更誰借箸籌金甌冢卿八枋龍失劒朝局三案魚中鈎
天乎如意那可得雁門關外長羈囚但聞六芝生狴犴
倏傳九鼎焦獮獍快持麈柄叩閭闔直控箕尾分提陬
星流下界猶一映鐵飛大冶鳴千秋

宋高宗瑞應圖卷六絕

一爲磁州射兔事一爲相州飛仙亭三射碑額
事一爲冰合渡河事一爲甲馬追及遇媼求漿

事一爲夢皇帝脫御袍賜服事一爲顯仁后以
黃羅裏將碁卜入九宮事

渡河冰合媪貽漿龍衮中宵拜紫皇半壁東南誇瑞應
苗劉折首又汪黃

射兔猶應憶射雕將軍湖上且逍遙同心君相天如格
不見錢塘起怒潮

江左曾疑馬易牛何如羅局定箕裘春光不耐秦頭重
誰問黃龍愧相州

天光分照劃江淮爭說臨安石鏡開燭影漫搖歸秀邸
杉青牖又浴香孩

幾番航海幕紛紜贏取西湖老白雲慎勿輕聽張相國
如何容得背嵬軍

畫手流傳辨李蕭晉園稽古析纖掣玉堂休夏披雲笈
聚景湖山緬六橋

題湯進士愈手蹟

乾隆庚辰予分校禮闈中式者僅十卷薦而不
售者如陸中丞燿陳中丞步瀛湯君愈皆佳卷
同年邵君齊然咤予曰君竟得吾業師吾師湯
先生老名宿也予哂曰何如癸未君中式陳君
步瀛榜已而不祿此其寄場卷稿於尊人者今

夏其子學泰持手蹟謁予索題閱四十年矣諸
君皆久逝憶之惻然

碧眼珠光本不迷玉藏虹見理終齊春暉寸草金泥字
芳樹斜陽日已西

老我看花習詎忘未來過去刹那光斯文夜半空騰焰
脩桂何人七寶裝

題劉石菴相國家藏槎河山莊圖卷

槎河山莊方伯築平泉綠野名爭芳過庭文正讀書處
錦秋亭古雲蒼茫世美卿公詎慙尹石菴書筆九雄強
攜圖示我索我詠慙我腕弱嗟老荒麓臺手題唐代畫

峯巒近遠疑廬匡神山畫錦那並取黃鵠回首天一方
憶昔丁年謁東閣美哲公子驚仙郎授毫競韻搏狡虎
並驅肩牡嗤亾羊中間離合五十載衰皤風泊蓬瀛航
文章功德兩何有肉食苦鄙蔬筍香先憂獨樂昔賢志
調燮風雨難甘祥逃禪學道不可得夢幻未覺空鮐黃
君家瑯琊九僊勝夜半觀海瞰扶桑勞成自是聚僊窟
白雲深處帝所鄉大書刻石公獨擅鍊神拔宅吾未忘
乘槎相約晤何所騎鯨不著織女裳

恭和

御製立秋日遣悶八韻元韻

聖孝因時篤桐風愴露來黍禾

勤問歲鼙鼓亟思才人祝

軒戈洗

天聞

舜慕哀晚涼祛旰暑旬雨熟磽蕘孚已占征吉先庚澹
胥災無聲通

玉綵俟志捷桴催

勝算中權固高秋爽氣回靈臺看偃伯

心鏡淨纖埃

跋先師劉文正公手書蕃劔行卷次元韻

洗兵月窟平劫塘蕃婦獻劒捎星芒伊犁再定俘寶遠
屠蛟剖虎天極方是時我公蹶而起

天鑒方叔無他腸兩階賡和贊千羽韻鏗語重腕力強
巖巖立朝秉鈞軸太阿手捧旋乾行片藩畱傳比麟角
正直氣可干夫當小鳳珍弄出示我手澤摩撫殊尋常
人惟求舊照箕尾詎獨筆墨爭精許世家喬木未足道
品題義獻誰短長良金不朽光大冶延津底用論存亡
公乎耿耿貫河嶽遺鱗墮翮輝闐闐嗚呼後死孰繼志
崩緱一呖空行藏崩緱一呖空行藏顯忠誅佞浩氣盤
中央

于滄來刺史婁東施粥圖

太倉賢牧滄來于名臣有後應世需此邑濱海三江委
墊隘辛苦災偏隅隆冬施粥飫萬口德秀自歌于薦于
挽舟腰笏何易于流民繪圖鄭介夫我聞其略汪太史
全家助善勞婁孥薰蒸善氣動真宰海盜卻走風摧臚
刺史姓名記宣室有腳膏雨九土敷嗚呼安得如此濟
濟二千石布之寰海活我巨萬賴鱗魚

題椒花吟舫圖

椒花吟舫誰創修笥河先生此息游十年卉木手灌植
一時過從樊張儔玉堂望重恥干謁提唱鄭許宗韓歐

嗜古金石富巖篋載醪漏夜交觥籌萬籤堆架中坐臥
高歌吐氣干斗牛文禽翩然繞庭樹鷦鷯鸚鵡鳴清悠
我還自晉參末坐晒我不飲花鳥羞比鄰鄂不構草屋
蒲萄綠蔭枝交樛三山握別呀血指歸來宿草號荒邱
屋傾花謝泣風雨塵埋卷軸蟲鼠偷少河抱書志有構
掃除三徑芟蕪薶椒馨花開一俯仰棠棣雖遠尚可求
我今移居瀛島側日南老屋感鵲鳩披圖三歎孰不朽
高鴻逝矣痕沙畱

題黃仲則遺藁

予聞常州有四才子之目曰洪北江亮吉黃仲

則景仁呂叔訥星垣孫季仇星衍其鄉人假借
以爲伯仲叔季云四人皆游竹君先兄之門乙
未予初自晉歸先識仲則愛其詩才葩發語之
曰天子人慧必予之福君當保慧以凝福無忘
老生常談而仲則以爲平平不屑意也已而識
叔訥丙午與江南鄉試得季仇庚戌主會試得
北江洪孫皆取高第姓名達矣洪詩虛空綠耳
自闢徑庭孫詩渠蘄大方質章合度叔訥偏師
馳騁浮沉學官而仲則驚才絕艷可泣可歌侑
乎遠矣然黃君以貧游秦病折於羈旅嗟乎何

其命之獨蹇也其子小仲一生攜其遺橐謁予於羊城從至皖江其人淳朴能讀父書或以爲才不及乃父然予以爲此克家之子也仲則有後矣悲夫旣識其大略而系以詩

常州四雋誰尤雄黃君手筆真人龍高歌泣鬼嘯風雨長身玉樹臨春風母嫠妻少遠彈鋏羈旅病臥號寒蟲修文噩夢下穹碧蘭摧桂折昌谷同洪孫高第呂吏隱獨爾詩伯工而窮我讀遺編拍案叫唾壺撞碎珊瑚紅斯文埋土有光燄揮劍誰發天牢宮有子敦樸賁以白父書能讀傳裘弓我歌重告風雅手慧福何以承天公

朱節母王太安人九秩

禹山鏡水巍而清鍾祥蘊秀宜壽貞高門大母蓄奇節
翠鳳飛去凰孤鳴桐花翺舞正旖旎玉筍中路摧鏘琤
卓哉再世傳荻畫籜龍忽報孫枝榮短檠夜課間梭織
長鋏曉晃干霄崢金門叫閭白虹獻玉堂橐檠青蓮熒
南雲回首望鴻陸北闕拜手陳烏情重慈鶴髮開九秩
羣稚兕酌稱千觥我昔星槎採越懿早飮蘭穎由萱萌
大書微闢著彤管底用瑤島誇西瀛

送阮雲臺少司農署浙江巡撫

重華咨岳牧簡試經術良曰汝佐農禮往撫浙一方阮

君初拜

命任重心旁皇英英淮海彥踰壯齒未強致身雲霄上
用作霖雨滂我昔典浙學省風猶能詳況君繼我後槎
傳周諏鄉浙西困漕賦浙東急海防溫台接閩粵鯨鯢
難殫僵吏婪征倍徒蠶食嘉湖杭害馬豈一途鞭勒調
柔剛去甚農已活藥表裏勿傷治盜先不欲澄屬廉自
將寬分氓受福摧闕恤旅商爲政多誠言束溼密網張
戴盈請輕之鄰雞姑月攘恕人躬自厚甘節儉可常吾
言甚平平無使獄市妨宦游廿四載識路今歸航願君
早報政阿閣來翱翔

恩命調任戶部恭紀

司徒稽古教敷寬民脈先知稼穡難

帝試迂儒籌國計

臣

叨厚老愧河干食兵何以紓

宵旰本末猶思策治安竊祿多年承露湛朔風冬日念
飢寒

涂孫入學

哂汝不童蒙居然入士風舊書應熟讀新義勉生攻爲
善心知樂修身體自充勿誇純袴飽省穡報年豐

紀曉嵐宗伯王兼六方伯翁覃溪鴻臚作丁卯小

集次覃溪韻

五十三秋舊計車四松寒蔭草堂蔬法廉有客方持節
老禿慚君尚中書宗伯寅清真領袖曾孫丁口哂飴餘
時抱曾孫娛客夕陽晚節同珍重應記蘭心結佩初

恩命充尚書房總師傅恭紀

南榮咫尺接承華稽古

恩叨重拜嘉廿四年來

紅日照七旬老去素心賒相公舊雨傳經正

謂崇如羣相國

彥隨風講席誇敢說趨陪根本地竹松苞茂在萌芽

知足齋詩集卷第十四